

中國佛教典籍叢刊

釋宗性 主編

韓清淨全集

11



如如應教最誠方便而故凡欲

當一經一書學起為皆佛乘已淨有

諸寺學地

董商評詩可觀
傳印題

印

執持弟子禮如教以表敬重聚法

第六編 凡例

國家圖書館出版社

頁拾之

中國佛教典籍叢刊

韓清淨全集



釋宗性主編

第十一冊

■ 國家圖書館出版社

第十一册


因明入正理論釋	一
成唯識論述記講義	一九一
緣起經科釋 緣起聖道經科釋 (版本一)	四五一
緣起經科釋 緣起聖道經科釋 (版本二)	五三三
緣起經名義略集科釋	六一三

韓清淨 講述
韓哲武、饒鳳璜 筆記

因明入正理論釋

民國二十三年（一九三四）石印本

因明入正理論釋



因明入正理論釋

清淨居士講述

受學

韓哲武
饒鳳璜筆記

今釋此論，略分為二。一、釋論名。二、釋論文。釋論名者：疏有五解；今略取二。一、約教釋。謂由天主之因明入論，能入陳那之正理門論，名為因明入正理論。是故正理門論為本論；入論即其釋論也。因明通二論說。因明為五明處之一；二論皆此一明處所攝也。二、約義釋。因有生因了因之別。如種生芽，能別起用，名為

生因。如燈照物，能顯果故；名為了因。生了二因，復各分三；曰言義智。即言生因，義生因，智生因，言了因，義了因，智了因。如是六因，疏已具釋；茲不詳贅。今但取言生智了二因，以釋因明。因，即言生因。明，即智了因。由立論者言能生敵證智解故；名言生因。由敵證智解，能照所立宗義故；名智了因。明，由因生；是因之明。依主釋也。雖復智了待解宗義，說之為因；然待言生，此即是果。此果屬智，智即是明；故依主釋。疏有多釋；

今唯取一。頌文中言真似立破為言生因。真似現比
為智了因。明由因生；是因之明。亦準此釋。入者達解
正理有三。一者約所立宗，名為正理。言離過故。二者
立破幽致，名為正理。立破謂言；幽致謂義。幽者幽隱；
致謂意致。即是宗義。能立破言能顯宗義，應名為顯；
所立破義待言方顯，是故名幽。能立破言既真非似；
所立破義是彼言顯，理得成就，故名正理。三者諸法
本真自性差別，名為正理。法有二種。一者自性，二者

差別。自性謂體；差別謂義。如是體義，諸佛所說，皆以無倒名。句文身，而假安立。非假安立，即彼法性。以彼法性，若佛出世，若不出世，理自成就。唯佛善說，如成就性，真實無倒，令他生解。如是諸法，理自成就，名之為本。真實無倒，名之為真。由依此故，諸佛弟子聞佛善說，生自正解。如是展轉，乃至悟入諸法本真自性差別，名入正理。今取此釋，約勝義說。論者量也；議也。量定真似；議詳立破；故得論名。下釋論文。

能立與能破；及似唯悟他。現量與比量；及似唯自悟。
言能立者：簡彼所立。所立謂彼宗義，能立即是宗等
多言。論下文云：宗因喻多言，名為能立是也。
能破者：此有二義。一顯過破。二立量破。敵申過量，善
斥其非；名顯過破。立量非他，窮詰所宗；名立量破。
似者相似。謂能立破，而實非真；簡彼真故，此得似名。
似能立者：亦有二義。一者闕支。宗因喻三，隨應闕滅；
虛功無果，不能成立故。二者有過。設支無闕，多言有

過。本為悟他，反為他破故。

似能破者，亦有二義。一者敵無過量，妄生彈詰，不離過類故。二者自量有過，謂能破他；偽言謂勝故。與者表多體相違，謂能立破，及似立破，體非一故。及者等義。舉真等似也。舉前能立，等似能立。舉前能破，等似能破。故稱及也。言唯悟他者，謂由真似立破等言，欲令敵證生解，皆為悟他，名唯悟他。唯有二義。一，決定義。二，遮簡義。此屬第二。遮簡自悟，云唯悟他。問：真能

立破敵證解生，照解宗義，可云悟他。似能立破，無此功能。云何可說為悟他耶？答：雖似立破，不稱正理，實不悟他。今約所為，言唯悟他於理無礙。

現量者：現有二義。一、現在義。二、顯現義。現在簡過未。過未無體，思構所成；非是現量。是故須簡顯現簡微。隱諸有障礙及極遠等，不能現見；非現量攝。故亦須簡。量者量度。謂心心所取境，有能量所量量果等別。如尺量布。尺為能量；布為所量；量得之數，名為量果。

心心所取境亦爾。故名為量。此中現量總有二種。一約能緣名現量智。二約所緣名現量境。論說現量唯約能緣。即取先時無分別智能證境相所得量果。名現量智。由此為因。今生憶念。照解宗義。說為自悟。如先證知火處有烟。今見烟處。雖不見火。定知火有。即用先時所得現量量果為因。生起自悟。即其例也。比量者。比謂比度。用先已了之法。比知未了之法。即由共許因。比知不共許宗。比擬生解。故名為比。此中

比量亦有二種。謂智及境。解如前說。由先比智果為
今比智因。名比量智。自悟生解。理亦同前。如知瓶所
作。無常定有。今聞聲所作。故了是無常等。是也。
似者似於現比而實非真。是彼類故。名似現比。似現
量者。有分別心。於色等境。不能稱實。緣得自相。但依
共相分別而轉。相似顯現。名似現量。或諸錯亂所見
境界。如瓶衣等。非實有故。謂彼實有。亦似現量。
似比量者。即用先時緣似因起。所有邪執。於今似宗

妄生決定，不能正解彼相似義，名似比量。如是所說
似現比量，準理亦應言是智因；非彼智果。用彼邪因，
生今謬智故。問：由緣真現真比為因，憶念本極成理，
生起正解，可能自悟。若似現比不生正解，云何亦言
為自悟耶？答：雖似現比實不自悟，而邪智起自謂得
悟。似自悟故，自悟類故，亦言自悟；於理無礙。唯義同
前。遮簡悟他言唯自悟。真似智因，生自智果故。
總略言之，頌上二句意約立者言生因說。下之二句，